



Inatsisartunut ilaasortaq Ane Hansen  
Inatsisartut  
/MAANI

**Avaleraasartuut pillugit naalagaaffiit sineriallit isumaqatigiissutaat pillugu Ane Hansenip § 37 naapertorlugu apeqqutaanut nr. 2014-067-imut akissut**

01-04-2014  
Suliap nr. 2014-097783  
All. nr. 1537673

Inatsisartut suleriaasianni § 37 naapertorlugu avaleraasartuut pillugit naalagaaffiit sineriallit qanittukkut isumaqatigiissutaannut tunngatillugu Naalakkersuisunut apeqquteqarputit. Apeqqut uannut akisassanngorlugu innersuussutigineqarpoq.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

**Apeqqut:**

- 1. Naalakkersuisut misissorpaat isumaqatigiissutip pineqartup Kalaallit Nunaannut qanoq kinguneqassanersoq?**
- 2. Isumaqatigiissut pillugu Naalakkersuisut qanoq iliuseqarniarpat?**
- 3. Isumaqatigiissut Kalaallit Nunaata Savalimmiunut, Norge-mut EU-mullu aalisarnikkut isumaqatigiissutigisartagaannut kinguneqartinniarneqarpa?**

**Akissut:**

1)-imut

Naalakkersuisut isumaqarput, avaleraasartuut pillugit qanittukkut pingasoqiusamik isumaqatigiissutigineqartoq kalaallit avaleraasartooriarnissaannut annertuumik kinguneqarnaviannngitsoq. Isumaqatigiissummi allassimavoq, angallatit nunat isumaqatigiissuteqartut erfalasuunik atuisut Kalaallit Nunaanni avaleraasartuunik killilimmik aalisarsinnaasut. Angallatit 2011-mili Kalaallit Nunaanni avaleraasartooriartut tassaapput kalaallit, islandimiut, russit kiinamiullu aalisariutaat (taakku saniatigut Isumaqatigiissut naapertorlugu EU 2013-imi 1.400 tonsinik pisassinneqarpoq). 2014-imi tamatuma allaanerunissaanik naatsorsuutiginninnissaq tamatumani tunngavissaqanngilaq, taamaammat aalajangersakkap tamatuma kingunerisinnaasai imatut annertutiginaviangillat.

2)-mut

Kalaallit avaleraasartooriarnermik ineriartortitsiniarnerannik akornusersuiniarnissaq siunertarineqassappat tamanna Naalakkersuisut akuersaarsinnaangilaat. Taamaammat apeqqut pillugu nunat pineqartut Aalisarnermut, Piniarnermut Nunalerinermullu Naalakkersuisoqarfiup oqaloqatiginiarpai.

3)-mut.

Avaleraasartuut pillugit pingasoqiusamik isumaqatigiissutip Kalaallit Nunaata Savalimmiunik, Norgemik EU-millu isumaqatigiissutaat sunniuteqarfigissanngilaa.

Inussiarnersumik inuulluaqqusillunga

Finn Karlsen